



Zmaja od Bosne 47b,  
71000 Sarajevo,  
Bosna i Hercegovina



T ++ 387 (33) 72 14 00  
F ++ 387 (33) 66 88 11



E [agencija@fba.ba](mailto:agencija@fba.ba)  
W [www.fba.ba](http://www.fba.ba)



BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO  
FEDERACIJE BOSNE I HERCEGOVINE

Broj: 05-1872-6-6/18  
Sarajevo, 03. 12. 2018. godine

Na osnovu člana 17. Zakona o javnim nabavkama ("Službeni glasnik BiH", broj 39/14), člana 10. Pravilnika o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“ broj 66/16) i člana 16. Statuta Agencije za bankarstvo Federacije BiH ("Službene novine Federacije BiH", broj 3/18), a na prijedlog Komisije za provođenje postupka nabavke pravnih usluga, broj: 05-1872-5-1/18 od 03.12.2018. godine, direktor Agencije za bankarstvo Federacije BiH donio je

## **O D L U K U**

### **o izboru kvalifikovanog ponuđača za javnu nabavku pravnih usluga**

#### **I.**

Advokat Almir Gagula iz Sarajeva bira se za kvalifikovanog ponuđača u postupku javne nabavke pravnih usluga za potrebe Agencije za bankarstvo Federacije BiH u 2018. godini.

#### **II.**

Ponuđač iz tačke I. ove odluke dostavio je prihvatljivu ponudu po Pozivu za dostavu ponuda za nabavku pravnih usluga, objavljenom na internetskoj stranici Agencije za bankarstvo Federacije BiH, 09.05.2018. godine, koja u cijelosti zadovoljava zadane kvalifikacijske uslove za sudjelovanje u predmetnom postupku nabavke.

#### **III.**

Agencija će, kada se ukaže potreba za nabavkom predmetnih usluga, za svaku uslugu – u skladu s pojedinačnim potrebama, vršiti izbor između prijavljenog ponuđača i ranije odabranih (kvalifikovanih) ponuđača, cijeneći pritom - u svakom pojedinačnom slučaju, specifičnost i kompleksnost nabavke, kao i vrijednost sudskih sporova, uvažavajući i pravnu oblast u koju je svrstana usluga koja je predmet nabavke.

#### **IV.**

U skladu s članom 45., tačka c) do d) Zakona o javnim nabavkama i tačkom 6., podtačkom 6.1. Poziva za dostavu ponuda za nabavku pravnih usluga, u svrhu dokazivanja lične sposobnosti, kvalifikovani ponuđač obavezan je dostaviti dokaze u svrhu dokazivanja činjenica potvrđenih u izjavi, u roku od 5 (pet) dana od dana prijema odluke o izboru kvalifikovanog ponuđača.

#### **V.**

Za realizaciju ove odluke zadužuje se Sektor za pravnu podršku i licenciranje i Sektor zajedničkih funkcija.

#### **VI.**

Ova odluka stupa na snagu danom donošenja.

## Obrazloženje

U skladu s Odlukom Agencije za bankarstvo Federacije BiH, broj 05-1872/18 od 08.05.2018. godine, pokrenut je postupak javne nabave pravnih usluga za potrebe Agencije u 2018. godini, u periodu do 31.12.2018. godine, procijenjene vrijednosti 29.000,00 KM bez poreza na dodanu vrijednost (PDV).

Kako su prema odredbama člana 8. Zakona o javnim nabavkama usluge ove vrste svrstane u kategoriju usluga za koje se primjenjuje poseban (pojednostavljeni) režim javne nabavke, pri provođenju nabavne procedure odabran je postupak javne nabavke usluga u skladu s Pravilnikom o postupku dodjele ugovora o uslugama iz Aneksa II. dio B Zakona o javnim nabavkama.

U skladu s odredbama Zakona, poziv za dostavu ponuda za nabavku predmetnih usluga objavljen je na internetskoj stranici Agencije: [www.fba.ba](http://www.fba.ba), 09.05.2018. godine.

Nakon izvršenog pregleda i ocjene dostavljene ponude, odnosno provjere dokumentacije koju je ponuđač priložio uz istu, komisija je utvrdila da pristigla ponuda u cijelosti ispunjava zadane kvalifikacijske uslove za sudjelovanje u ovom postupku nabavke te dala preporuku da se za nabavku pravnih usluga za potrebe Agencije u 2018. godini, pored ranije odabranih ponuđača, odabere i navedeni advokat, kao kvalifikovani ponuđač u predmetnom postupku nabavke.

U postupku ocjene provedenog postupka utvrđeno je da je komisija u svemu pravilno postupila te da je izbor kvalifikovanog ponuđača izvršen u skladu sa Zakonom, podzakonskim aktima i uslovima iz Poziva za dostavu ponuda.

Na osnovu svega navedenog, odlučeno je kao u dispozitivu ove odluke.

### **Pouka o pravnom lijeku:**

Protiv ove odluke može se izjaviti žalba u roku od 10 (deset) dana od dana prijema ove odluke. Žalba se izjavljuje ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- ponuđaču u postupku
- Sektoru za pravnu podršku i licenciranje
- a.a.

